

Dumonda Ulber concernent ils custs da la IT per la scola populara pervia da l'introducziun dal PI 21

Tenor il conclus da la regenza nr. 246 dals 15 da mars 2016 è il Plan d'instrucziun 21 GR vegn realisà cun agid da differentas mesiras. En il rapport Realisaziun dal Plan d'instrucziun 21 Grischun dal departament d'educaziun, cultura e protecziun da l'ambient (DECA) vegni explitgà che las lecziuns dal rom medias ed informatica vegnian amplifitgadas cun l'entrada en vigur dal nov Plan d'instrucziun 21 GR per l'onn da scola 2018/19 e ch'ellas vegnian extendidas sin il 2. ciclus, pia sin il stgalim primar.

Sco consequenza concreta da quai resultan gronds custs supplementars per ils purtaders da scola e per las vischnancas. L'infrastructura sto per part vegnir remplazzada u cumplettada. Per exempel ston vegnir cumprads computers e moniturs, avunda laptops u auters apparats electronics sco iPads, per che l'instrucziun saja irreproschabla e correspundia al Plan d'instrucziun 21 GR.

Tenor las calculaziuns da differentas vischnancas da scola dal stgalim primar e dal stgalim superiur importan ils custs supplementars tranter 600 e 900 francs per uffant u schizunt dapli. In quint integral dals custs per l'entira instrucziun dad IT mussa fin 900 francs per onn per scolara u scolar dal stgalim superiur.

Las sutsegnadras ed ils sutsegnaders fan las suandantas dumondas en chaussa:

1. Existan cifras expressivas davart ils custs supplementars che l'introducziun dal PI 21 ha chaschunà als purtaders da scola en il rom medias ed informatica?
2. Èsi pussaivel da pagar als purtaders da scola contribuziuns a favur dals custs unics da la IT sco er a favur dals custs periodics annuals enorms, e quai or dal credit d'impegn da 40 milliuns francs ch'è vegnì concludì l'avust 2018 e ch'è destinà a la digitalisaziun?
3. Vesa la regenza ina pussaivladad da pagar als purtaders da scola ina contribuziun periodica per il support da las installaziuns dad IT?
4. Vesa la regenza ina pussaivladad da sustegnair ils purtaders da scola en moda activa, explicita e cumplexsiva en la pedagogia da medias cun curs installads che vegnan organisads periodicamain u cun contribuziuns finanzialas?

Cuira, ils 4 da december 2018

Ulber, Hitz-Rusch, Gugelmann, Berther, Berweger, Bigliel, Brunold, Caluori, Casutt-Derungs, Cavegn, Crameri, Danuser, Deplazes (Rabius), Derungs, Ellemunter, Engler, Epp, Florin-Caluori, Flütsch, Föhn, Gasser, Giacomelli, Hartmann-Conrad, Jochum, Kasper, Kienz, Kohler, Kunfermann, Lamprecht, Locher Benguerel, Loepfe, Maissen, Märchy-Caduff, Marti, Michael (Donat), Mittner, Natter, Niggli-Mathis (Grüsch), Noi-Togni, Papa, Paterlini, Rettich, Rüegg, Sax, Schmid, Schneider, Schutz, Tanner, Thomann-Frank, Thür-Suter, Tomaschett (Breil), Tomaschett-Berther (Trun), Waidacher, Widmer (Favugn), Widmer-Spreiter (Cuira), Zanetti (Sent), Zanetti (Landquart), Brändli Capaul, Bürgi-Büchel, Decurtins-Jermann, Gujan-Dönier